

17 SEPTEMBRIE
RUGACIUNEA
SF. IERARH-MUCENIC
HERACLID
AL TAMASULUI CIPRULUI

Молитва

О пречестная и священная главо и благодати Духа Святаго исполненная, Спасово со Отцем обиталище, великий архиерею, теплый наш заступниче, священномучениче Ираклудие! Предстоя у Престола всех Царя и наслаждаяся света Единосущныя Троицы, херувимски со Ангелы возглашая песнь трисвятую, великое же и неизследованное дерзновение имея ко Всемилостивому Владыце, моли спастися паствы Христовы людем, благостояние святых Церквей утверди, архиереи благолепием святительства украси, монашествующия к подвигом добраго течения укрепи, Кипрский оток и вся грады и страны добре сохрани, и веру святую непорочну соблюсти умоли, мир весь предстательством твоим умири, от глада и пагубы избави ны, и от нападения иноплеменных сохрани, старыя утеши, юныя настави, безумныя умудри,

вдовицы помилуй, сироты заступи, младенцы
возрасти, немощствующия исцели, и везде тепле
призывающия тя и с верою притекающия к тебе
и усердно припадающия и молящияся тебе от
всяких напастей и бед ходатайством твоим
свободи.

Моли о нас Всещедраго и Человеколюбиваго
Христа Бога нашего, да и в день Страшнаго
Пришествия Его от шүияго стояния избавит нас,
и радости святых причастники сотворит со
всеми святыми во веки веков.

Аминь.